



Ս Փ Յ Ո Ւ Ռ Զ Ո Ւ Մ

Ե Կ Ե Ղ Ե Ց Ա Կ Ա Ն Լ Ո Ւ Ր Ե Ր

Ձեռնադրություններ Երուսաղեմի Հակոբյանց տաճարում

1968 թ. Վարդավաթի շաբաթը, հուլիսին, Երուսաղեմի Ս. Հակոբյանց ուխտի միաբանության, ժառանգավորների, դասախոսական կազմի և հավատացյալների համար եղավ ցնծության և ուրախության նշանակալից մի շաբաթ:

Մասնավորաբար ցնծության մեջ էր գրուներվում միաբանությունը գլխավորությամբ ամեն. տ. Եղիշե սրբազան պատրիարքի, որովհետև իր շարքերն էր ընդունում նոր-ընծա չորս արեղաների և վեց սարկավագների, իսկ դպրեվանքի 29 ժառանգավորներ արժանանում էին դպրության չորս աստիճանների տվչություն:

Դպրության աստիճանի տվչություն.

Դպրության աստիճանի տվչությունը կատարվել է հուլիսի 26-ին, ուրբաթ օրը, ս. Հակոբ Մայր տաճարում՝ լուսարարապետ տ. Հայրիկ արքեպիսկոպոսի ձեռքով:

Դպրության աստիճան ընդունած ժառանգավորները մեծ մասամբ թրքահայեր են՝ Երուսաղեմ սովորելու եկած Բիթլիսից, Սասունից, Մուշից, Պոլսից: Նրանցից ոմանք նույնիսկ քրդախոս կամ թրքախոս են, վերջին տարիներին ընդունված Երուսաղեմի հայոց ժառանգավորաց վարժարանը և այնտեղ միայն սովորած հայերեն և ծանոթացած հայոց պատմությանը:

Սարկավագների ձեռնադրություն.

Հուլիսի 27-ին, շաբաթ օրը, առավոտյան, կատարվել է ժառանգավորաց վարժարանի

քառամյա ընթացքը ավարտած և ընծայարան ընդունված վեց ժառանգավորների սարկավագական ձեռնադրությունը՝ լուսարարապետ սրբազան հոր ձեռքով:

1. Վարդան սարկավագ Տասուրյան.— ծնված 1948 թ. Հալեպում:

2. Պողոս սարկավագ Մանուկյան.— ծնված 1948 թ. Հալեպում:

3. Մանուկ սարկավագ Մուրադյան.— ծնված 1951 թ. Հալեպում:

4. Օգնիկ սարկավագ Ալքազյան.— ծնված 1951 թ. Սղեղում:

5. Սարգիս սարկավագ Պարսամյան.— ծնված 1951 թ. Արաբկիրում:

6. Ծահան սարկավագ Քեռսեյան.— ծնված 1950 թ. Պոլսում:

Արեղայական ձեռնադրություն.

Արեղաների ձեռնադրությունը և օծումը կատարվել է հուլիսի 28-ին, Վարդավաթի կիրակի օրը, ամեն. տ. Եղիշե պատրիարք հոր ձեռքով:

Արարողության վերջում տ. Եղիշե սրբազան պատրիարքը խոսել է գեղեցիկ և բովանդակալից մի քարոզ՝ անդրադառնալով հոգևոր կոչման բարձրությանը և նվիրակա-նությանը:

Երեկոյան ժամերգության ժամանակ դարձյալ պատրիարք հոր ձեռքով կատարվել է վեղարի տվչությունը:

Հավարտ ժամերգության, ժամը 6.30-ին, օրվա հանդիսությունը փակվում է միաբանական ընդհանուր ընթրիքով՝ նախագահությամբ ամեն. պատրիարք հոր, որի ժա-

մանակ արտասանվում են շնորհավորական խոսքեր:

1. Հոգեշ. տ. Աղան արեղա Պոլիոզյան.— Ավագանի անունն է եղիս: Ծնված 1946 թ. Հալեպում: Նախնական կրթությունը ստացել է տեղի հեթեվ վարժարանում: Ընծայարանը ավարտել է 1968 թվականին:

2. Հոգեշ. տ. Սիփան արեղա Մխչյան.— Ավագանի անունն է Հարություն: Ծնված 1948 թ. Հալեպում: Նախնական կրթությունը ստացել է Գերմանիկյան և Մեսրոպյան վարժարաններում: Ընծայարանից շրջանավարտ՝ 1968 թվականին:

3. Հոգեշ. տ. Նարեկ արեղա Մարֆազե-

Արեղայական ձեռնադրություն Փարիզում

1968 թվականի հոկտեմբերի 27-ին, Գյուտ Խաչի կիրակի օրը, Եվրոպայի հայրապետական պատվիրակ գեր. տ. Սերովբե արքեպ. Մանուկյանը Փարիզի և Հովհաննես Մկրտիչ Մայր եկեղեցում կուսակրոն քահանա է ձեռնադրել բարեշ. Արմեն սրկ. Զաքարյանին՝ վերանվանելով տ. Նորվան արեղա:

Հոգեշ. տ. Նորվան արեղան ծնվել է 1940 թ. հելյություն: Նախնական կրթությունը ստացել է Անթիլիասի դպրեվանքում, մինչև



Ռումինիայի և Բուլղարիայի թեմի առաջնորդ տ. Տիրայր եպս. Մարտիկյանը և պատգամավորական ժողովի անդամները

յան.—Ավագանի անունն է Մանվել: Ծնված 1947 թ. հելյություն: Նախնական կրթությունը ստացել է ազգային Արգարյան և Ահրամեյան վարժարաններում: Ընծայարանից շրջանավարտ՝ 1968 թվականին:

4. Հոգեշ. տ. Սևան արեղա Ղարիպյան.— Ավագանի անունն է Հովհաննես: Ծնված 1940 թ. հելյություն: Նախնական կրթությունը ստացել է ազգային Արգարյան և Ռուբինյան վարժարաններում: 1965 թ. ընդունվել է ժառանգավորաց վարժարան և ընծայարանն ավարտել է 1968 թվականին:

1956 թ., և ապա Երուսաղեմում: Երկար տարիներ բարեխղճորեն ծառայել է Փարիզի հայոց և Հովհաննես Մկրտիչ Մայր եկեղեցում:

«Էջմիածին» ամսագրի խմբագրությունը, հանուն Ամենայն Հայոց Վեհափառ Հայրապետի, ջերմորեն շնորհավորում է և՛ Երուսաղեմում, և՛ Փարիզում ձեռնադրված հինգ խոստումնալից արեղաներին՝ մաղթելով, որ նրանք լինեն իրենց ապագա գործունեության ընթացքում «մշակք ստանց ամօթոյ»:

**Թեմական պատգամավորական ժողով
Բուխարեստում**

1968 թվականի նոյեմբերի 10-ին Բուխարեստի հայոց առաջնորդական եկեղեցում գումարվել է ռումինահայ թեմական պատգամավորական ժողով՝ նախագահությամբ Ռումինիայի և Բուլղարիայի հայոց թեմերի առաջնորդ տ. Տիրայր եպս. Մարտիկյանի։

Ժողովին մասնակցել են 31 ներկայացուցիչներ, որոնցից 4-ը՝ հոգևորական։

Ժողովը բացվել է առաջնորդ հոր աղոթքով, ողջունի ու շնորհակալության խոսքով՝ ժողովականներին և Ռումինիայի կրոնից նախարարությանը ողջոված։

Ապա ժողովի ատենապետ դոկտ. Գրիգոր Բամպուքճյանը ընթերցում է Ամենայն Հայոց կաթողիկոսի օրհնության և շնորհավորական հեռագիրը՝ ողջոված պատգամավորական ժողովին, որն ունդրվում է հուղըկալալ։

Ժողովի քննարկմանը ներկայացվել էին հետևյալ հարցերը.

1. Տեղեկատվություն թեմական խորհուրդի գործունեության 19 մայիս 1963—10 նոյեմբեր 1968 ժամանակաշրջանի վերաբերյալ։
2. Հաշվետվություն 1963—1968 տարիների նյութական գործառնությանց։
3. Ընտրություն նոր թեմական խորհուրդի անդամների, փոխ-անդամների և վերստուգիչ հանձնաժողովի։
4. Այլ հարցեր։

Տեղեկատվության ընթերցումից և պատգամավորական ժողովին հետաքրքրող հարցերի քննարկումից հետո տեղի ունեցավ մտքերի փոխանակում, ապա ընդունվեցին համապատասխան որոշումներ։

Ընտրվեցին թեմական խորհուրդի նոր անդամներ և փոխ-անդամներ և վերստուգիչ հանձնաժողովի անդամներ հետևյալ կազմով.

- Թեմական խորհուրդ**
1. Դոկտ. Գրիգոր Բամպուքճյան
 2. Պերճ Կարապետյան
 3. Ալեքսանդրոս Միլվյան
 4. Մովսես Ծլուկյան
 5. Հովհաննես Պետիկյան
 6. Արամ Հակոբ
 7. Հրանտ Ավագյան
 8. Դոկտ. Հրանտ Տեմիրյան
 9. Գևորգ Գևորգյան
- Փոխ-անդամներ**
1. Համազասպ Թումանյան
 2. Չիկ Տամառյան
 3. Բրիստես Բրիստես

Վերստուգիչ հանձնաժողով

1. Նորհան Թաթարյան
2. Կայծակ Հովհաննեսյան
3. Հակոբ Ասլանյան

Ժողովն ավարտվեց առաջնորդ տ. Տիրայր եպս. Մարտիկյանի «Պահպանիչ»-ով։

**Թեքեյան մշակութային միության
«Հայկաշեն Ուզունյան» գրական
մրցանակաբաշխությունը**

Բեյրութում մի քանի տարիներ առաջ Թեքեյան մշակութային միության նախաձեռնությամբ ստեղծվել էր «Հայկաշեն Ուզունյան» անունով գրական մրցանակը, ափյուրքահայ մեր գրականությանը իրենց նպաստ բերող հայ գրողներին քաջալերելու համար։

Ինչպես երևում է ափյուրքահայ մամուլի հաղորդումներից, «Հայկաշեն Ուզունյան» գրական մրցանակի հիմնումը լայն հետաքրքրություն է ստեղծել ափյուրքի հայ գրողների մոտ։

1967 տարեշրջանի մրցանակի համար ներկայացվել են ափյուրքի բոլոր գաղթօջախներից 34 անուն գրական ստեղծագործություններ։

Ներկայացվող գրական գործերը գնահատող հանձնաժողովը հետ երկար քննության, նկատի առնելով նաև այս առթիվ գրական տեղեկագրերը ներկայացված գործերի վերաբերյալ, որոշել է 1200 դոլարի գրական մրցանակը բաժանել չորս հավասար մասերի՝ հետևյալ բաշխումով.

Ա. Ստեղծագործական բնույթով երկու գրական երկերի.

1. «Տարագիր երկնքի տակ».—Անդրանիկ Անդրեասյան, «ուր հեղինակը հաղորդական, ջերմ ապրումով ու գրագետի տաղանդով կներկայացնե ափյուրքի մեջ ապրող հայերը իրենց դառն վիշտերով, տվայտանքներով ու սիրելի հույսերով»։

2. «Պանդոկ».—Արամ Հայկազ։ «Մրցանակի արժանացած Պանդոկին մեջ, իր իսկ բացատրությամբ, «Բազմազգի մարդիկ ու բազում դասակարգերու անհատներ կապրին խաղաղ ներդաշնակությամբ»։ Արդարև, մեկնելով իր հայրենի տունեն, հեղինակը կանցնի Բյուրդիստանի լեռները, ապա Պոլիս ու Ամերիկա և գրագետի անվիճելի տաղանդով ու հարազատ ապրումով կներկայացնե բոլոր միջավայրերը, իրենց խալտաբըղետ մարդերով»։

Բ. Պատմա-բանասիրական բնույթով երկու երկերի՝

1. «Անկում Արտաշեսյան հարստության».

— Հրանտ Բ. Արմեն, «պատմական լուրջ

ուսումնասիրություն մըն է, որ կընդգրկե Արտաշեսյան Հարստության վերջին 55 տարիները: Հեղինակը լայն չափով օգտագործած է պատմական բազմաթիվ հայ թե օտար աղբյուրներ ու հաջողած է, խոր վերլուծումներով, հանգիլ ճշգրիտ եզրակացություններու:

2. «Հուշամատյան Պոնտական Ամասիո».
— Գաբրիել Յ. Սիմոնյան, «Տարիներու տըքնաջան աշխատանքով և իր անձնական միջոցներով լույս ընծայած է Հուշամատյան Պոնտական Ամասիո գիրքը,...

Այս պատկառելի հատորը, ավելի քան հազար էջերու մեջ, 150-ե ավելի նկարներով և շքեղ տպագրությամբ, համադրումն է երկարամյա լուրջ պրպտումներով ձեռք բերված թանկագին ծանոթություններու մեր պատմական հայրենիքի կարևոր մեկ բնակավայրին մասին»:

«Հայկաշեն Ուզունյան» գրական մրցանակի գնահատիչ հանձնախումբը հիշատակության արժանի է գտել նաև մրցանակաբաշխության ներկայացված հետևյալ գործերը.

1. «Թեկնածուն».— Զարեհ Որբունի.
2. «Բժիշկը կյանքին ու մահվան հետ».— ղոկտ. Տիգրան Վարժապետյան.
3. «Ոսկի գեղուն».— Մարի Աթմանյան.
4. «Պիտի չարչարեմ բառերը».— Գեորգ Աճեմյան.
5. «Տիգրիսի ափին».— Լևոն Ծախոյան.
6. «Վերադարձ».— Հրանտ Գույումճյան.
7. «Զլուներն ի վեր».— Գրիգոր Ծախինյան.
8. «Դասակարգային կոիվներու գիծը ազգերու պատմության մեջ».— Լևոն Մարտիրոսյան.
9. «Պատասխանատուները Տարունի եղեռնին».— Ադան Տարունեցի:

